



978562

赤丸汗出

集十一卷

朱九江先生集

總目

序

卷首之一

年譜

卷首之二

目錄

卷首之三

詩序

卷首之四

詩

卷一至卷五

文

卷六至卷九

附錄

卷十

朱九江先生集

總目

卷首



朱九江先生集序

卷首之一

學者問曰聞集之始也後人集之而非自爲集也朱先生既沒十有六年而未有集何也朝亮曰蒐之未備旣不得遽又時將有待也然遷延之罪固自知之矣學者迺出其所得詩文百篇有奇又有數策錄所聞者問曰然虯迺檢其所得曰詩文非先生之作而妄傳爲先生者十二三焉若夫所聞則不能無異自古而然者也烏虯悲哉先生旣沒赴至朝亮父喪方禫以師喪固所奔也戴星而行及至旣斂將蓋棺家人聞來哭止之遂入哭猶及見先生面如生也行省兩院爲文祭之曰明不自翹遺書有無朝亮聞之而悲夫先生有書而無書也先生之明終不可以沒也先生七十有一朝亮在其門冬歸成昏禮反而晉拜

朱九江先生集

序

一

卷首

先生賜之酒旣侍飲敬問先生著述舉所以欲爲書者而答年譜凡七書而自謂於儒宗性學發之而爲政術尚之而爲風俗得失雖微卽于中國人倫之大天下彊弱安危所存者則尤屬意而不敢草草焉及先生七十有五語其家人將定藁以成書也何疾作迺燔其藁踰月而沒此有書而無書昔人以服程子之明而先生繇之者也雖然先生之書未傳於人而先生之行之言人固得而見聞者矣况其莫年講學上辨古人下窮今日其所以勤告者必其所以欲爲書之精意豈猶有隱而不宣者虯先生講學嘗陳時病力闢其非以筆擊案曰卽如著述當在斯也然則先生之明已傳者精意未及傳者文字爾古有脩身教士生平不著述一言者而其言終布於天下士大夫得以自

艾婦孺得以交稱史氏賴其言而一朝時論之是非迺定若是者何以至斯也有表其傳而書之者也此無書而有書也先生既沒踰年同門將表其傳屬議爲書朝亮方母喪未獲承也服闋後感其意嘗欲爲先生年譜一編勢勢人事久之未成選選深居默坐憶當日席間所見聞者愀然有感雖風雨中夜猶必書之懼將失也雖書之而不敢遽以畀人懼其或失先生意也語未及終學者視抱以思迺曰請成年譜以畀吾學者使無惑於所聞且先集詩文其所未得蒐之可補也孰與扁其正者而投其妄者序若此之時能待者幾何序朝亮以學者之請固衷於誼而不敢辭也然躊躇久之蓋以誼之至大將卒爲之苟一言之失斯獲戾矣將不卒爲之使先生不彰其獲戾者猶小使

朱九江先生集

序

二

卷首

天下不得聞先生之行之言而皆失所從其獲戾者實大矣既不可已遂許之自夏徂冬集有先生詩五卷文四卷暨書先生事者附錄一卷迺成年譜列於卷首庶讀集者先有攷焉詩繇先生家人所得原略有次今仍之皆三十有五以前爲之也文繇先生家人所得暨宗人已槩者今攷其年類而次之壯年者罕大都四十以後爲之也繇詩而文遞推終身故以爲次亦韓集例也年譜自三十有八以前据先生公車紀程暨其家人所得紀年事略以後据先生在官日記襄陵碑錄暨先生手定門人文卷也年譜以年爲次而有先敘合敘使其文不散者左傳編年之書已開其例也論語詩可以興陸稼書謂觀朱子年譜可以興今年譜錄詩則誦詩論世其所興者不勃然爲風之自

序詩繇天性野人歌謠今猶於古百世之後微問如何詩必不絕先生爲詩誼原三百如古之詩人非今之詩人所可圍錄其大者可厚人倫固先輩以詩篇爲年譜之風也年譜例錄文譜居集前祇錄其題今或仍錄其文與詩同列者譜普也風誼之高欲普見其凡也先生年譜人譜也書其可書不可以常例書也學者問曰今譜之言其必古人未有者序曰是不可以不辨也昔者顧亭林爲日知錄自謂古人所先有者削之今攷其書章句名物之微其自謂者略是矣然其書之用不係虛其微也凡所言天下大濶則其書之用存焉皆古人所先有而顧氏申之者也夫既申之則古人之言始終復明天下雖有邪說而不能蔽若不申之則古人雖已言猶未言也歷世以來獨立不懼朱九江先生集

序

三

卷首

之君子天下所爭言而一人不言天下所不敢言而一人獨言皆申古人之誼以蘄後人之明何者天下之變無常變無常而誼有常君子得其公誼續其公言無不孚驗也不知者醜曲誼以爲新斧小言以爲斷謂之古人未有焉其於天下不適害哉既而學者羣請曰書成吾學者傳錄之難且易譌今備梓費請某之遂如其請學者校某於讀書草堂

光緒二十有三年冬至日

門人順德簡朝亮謹序

謹案先生詩文今未蒐得而待補者

代北撫軍請襄陵臨汾水田册照東

南升科摺檄西山神驅狼文晉聯關

龐禦賊三難五易十可守八可征奏

記兆氏功臣三世家傳黃木灣觀海

詩今具錄題以冀補某亦以免妄收

朱九江先生年譜

卷首之一

嘉慶十有二年歲在丁卯八月辛卯二十日先生生

先生諱次琦字稚圭一字子襄先世子議居南海九江方明

祖龍興設不為君用之罰子議終身俯元處士不改度焉七

傳至夔州知府讓仕萬厯時以治行第一拜璽書之賜詳四

志廣州是為先生八世從祖讓孫實運以戶部郎中受特勅

與陳文忠子壯舉誼殉節高明 皇朝賜諡烈愍詳明史

是為先生六世從祖父贈公成發贈如先生秩蘇人有主於

公者年七十歸休以佗人所負三千金俾公自收之公陽諾

四千里外卒反其金嗜觀邸報災患必歎嘗謂諸子曰凡人

有力在己而不及人非天命富貴意也汝曹識之矣母張

朱九江先生集年譜 卷首

太宜人知文史族子為盜魁瞰贈公歸颺言索之金太宜人

語贈公請與諸子佗適既行盜夜嘯叔門太宜人扶媪持燭

出從容詰曰嘯叔者誰何遽也叔偶出盍入而待之闔闔納

盜魁其黨數十人竦於門外盜魁踞上坐解佩刀錚然太宜

人嘯婢淪茗復詰嘯叔何居盜曰將亡命假數百金門外盜

皆諫應太宜人正容曰汝偁叔屬雖遠猶骨肉也有急當告

我何遽若是迺入探釵珥數事解腕中條脫益之曰汝將去

不足可復來何待叔也盜大慙竟棄去繼母關太宜人拊諸

子如腹出先生嘗病十旬閔鬻忘勞體為之敝伯兄士琦與

先生同舉於鄉能詩以粵中西江水患絲沙田石壩上書大

府議除其患詳南海縣志朱氏傳芳集仲兄炳琦季弟諸生宗琦叔者先

生也

十有三年

歲在戊辰

先生年二歲

先生周睟甫學語張太宜人抱諸剡上授以唐人絕句代小兒歌謠

十有五年

歲在庚午

先生年四歲

張太宜人問曰兒願多錢否曰不願願高官否曰不願何願曰人盡愛兒兒則願爾

十有六年

歲在辛未

先生年五歲

冬先生始入塾受書叔懿脩先生既自塾歸夜寒雨雪張太宜人藉先生寢篝火温衣先生遽曰如今窮人可念也

十有八年

歲在癸酉

先生年七歲

朱九江先生集

年譜

二

卷首

先生能為詩

二十有二年

歲在丁丑

先生年十有一

贈公腹疾治之不瘳先生幼惶恐手疏祝竈陘搏頰流血贈公遂瘳

二十有四年

歲在己卯

先生年十有三

先生同里曾勉士廣文說先生幼敏以先生調制府儀徵阮文達命作黃木灣觀海詩文達驚曰老夫當讓此子出一頭

地過子彩旗門作矣

擊經室集有在浦彩旗門觀海詩

道光元年

歲在辛巳

先生年十有五

冬十有一月丙辰張太宜人卒先生執喪居先廡東廂杜門三年默思而純於是強識踰素巨簡之書循眠者三輒誦不

忘

四年歲在甲申先生年十有八

春二月先生服闋肄業羊城書院山長謝里甫先生能書嘗曰書雖小道非篤悟者不能通其意吾友教歲數百人饒學此者朱生而已迺授筆灋辟呬詔之曰實指虛掌平挽豎鋒小心布宣大膽落筆意在筆先神周字後此外丹也手輒筆頭重此內丹也又曰晉辨神姿唐講閒架宋元以來尚連峭之趣矣然神物無蹟易於羊質虎皮以趣勝者卽有所成祇證聲聞辟支果耳不成終身遂流魔道不可振捄初學執筆折中祛弊其諸顏平原歐陽渤海間序繇是先生工八灋

朱九江先生集

年譜

三

卷首

先生幼而端靜彈碁六博諸戲不一游目讀書之餘略求人灋而已凡書百家耽讀采市典衣如不及聞藏弄家有其書婉借之必得迺適

夏先生赴院試如

功令不挾一字先生連試席者絜袴

家子也倩遞失排律迺出金條脫乞作雜筍及蒲詩先生不

納

七年

歲在丁亥先生年二十有一

夏常熟翁文端來督學先生試皆第一補邑弟子員再試之日先生橐筆入文端命升堂屬藁數行輒先取眠點首而誦比藁藁未脫文端親然蠟炬勞曰勉竟若長毋躁也

先生念母不已過先孺人墓詩云頭顱爾許人猶昔愴絕人

閒二十一年

邑人李孝廉鳴韶先生總角舊也欲爲貴郎先生贈詩風之
云名士貧來有宦情聞諸先輩李黼平吾道貧非士也苦苦
以無力振貧故錦衣怒馬僕曼胡君昔視之不如奴歟然欲
起六月息身落南蠻心注北芭蕉戰雨碎可憐仍扈江離障
蘭蓀宏獎之風近來少休文休進彈蕉表

新疆回部張格爾久爲亂至是猶未平先生有感詩云敢以
烽爲戲須明國有權整疆光舊物不擬勒燕然又云廩藏資
先事安危在正供似聞司會議有藉世時雍

八年

歲在戊子

先生年二十有二

秋先生赴鄉試將試先生檢舉子業曰韓退之云旣爲之欲
有所就已而報罷先生讀書置器自若也曰朱子云非科舉

朱九江先生集

年譜

四

卷首

累人人自累耳

九年

歲在己丑

先生年二十有三

春正月丁巳贈公卒先生執喪居先廡東廂絕不爲詩文血
誠致哀三年如一日

十有一年

歲在辛卯

先生年二十有五

夏四月先生服闋

十有二年

歲在壬辰

先生年二十有六

先生肄業越華書院山長桂林陳蓮史先生一見異之曰天
下士也嘗以天中節燕諸生命賦新松先生詩云棟材未必
千人見但聽風聲便不同陳先生爲吟諷者久之

秋先生赴鄉試報罷有以幸雋告者先生曰不勤而祿死望

而得唐李景讓之母所以憂也吾今事母奚可幸虜

十有三年

歲在癸巳先生年二十有七

邑人徐大令台英佩韋與先生交先生曰佩韋爽直人吾執友也故先生於大令風誼尤勤大令長吏才會試報罷儕輩將資之俾借一官先生獨止之夏五月寄徐子都門詩云一第溷人信茫昧十年養氣從掀揉京雒緇塵自古嗟君有素衣無恙否大令得詩遂止先生之詩古所謂執友稱其仁也佗日夢讀佩韋近藁卽寄懷落第南還詩云故園尚有冬青樹歲莫山寒共往還亦其風也於後大令卒以名進士宰華容調耒陽克馴莠民均垸隄正錢糧花戶湘陰左文襄奏

聞其事

國史館立傳耒陽人祀之龐士元祠

朱九江先生集

年譜

五

卷首

夏五月庚辰大水隄決李邨先生奉關太宜人緣岡避水生赴李大招飲百韻詩追賦之曰驀報西潦至五月日在庚

降割方鞠凶洪口決李邨嗟嗟十二戶

原注地名

盡室爲魚鼈比

鄰聞號咷誰知其死生我家三百指乘屋如鴟蹲膳飲波面

炊雞狗牆頭眠高漲更未已滅沒驚我顏昏黑扶老穉一一

下破船室人莫涕泗我有好弟昆緣岡互房廬足以相援攀

可憐非柁工尾掉船頭橫混濊涉中流上有星月明喜達賢

主人舍我在高閤色定見憔悴老親蹙額歎弱妻授我食執

箸不下咽脫我淖中衣易我犢鼻禪展視著股處血痕已朱

殷憐惜不出口泣睫淚漣漣搖手使勿聲吾母腸斷問民生

正摧挫我敢自求安願以膚髮勤易此骨月完知詩者以是

爲杜子北征之遺也

爲大水故撫軍上元朱莊恪行旼勸分且問士焉勸分三君子鄧鑒堂觀察區仁甫考功何樸園職方皆以先生對先生館西郊莊恪將就見之屬考功申意先生固辭曰生方赴試不敢涉嫌貽口實也迺不果制府涿州盧敏肅遣吏徵寫先生詩敏肅曰天下雖大人才有數敢不勤之虜嘉興錢給事儀吉來粵年已七十聞先生名就見西郊於後序先生詩

九江少穀豐魚桑先生謀於鄉迺建義倉大水之役萬口罄罄先生食之也

十有五年

歲在乙未

先生年二十有九

通相國詒書盧制府言選高才生肄業學海堂於是選者十
朱九江先生集 年譜

六

卷首

人先生爲舉首先生以疾辭不赴

田祖有神曾孫所以思古也先生蝗蟲歎詩云回首
仁皇晚季時不在人閒在天上

白華之絜孝子也祿不逮養孝子之傷也先生客中雜憶詩云突梯古有戒奉檄世亦賢審知出處誼固以父母年壯且不如人此後空可憐

采蘋灑度季蘭尸之今猶多先王之澤虜先生守歲與閨人
夜話詩云高懷吾媿汝卒歲恥言金
原注宋真山民詩 貴無可買恥言金

十有六年

歲在丙申

先生年三十

先生館邑六榕寺同舍生謂之曰君論事不易聞及聞之則
疏析鴻鬯傳以古事意豁如也賈長沙馬賓王君之倫也

十有七年

歲在丁酉

先生年三十有一

秋先生赴鄉試獲薦試文用史主者以麤棄之報罷主者發卷眠其名迺先生也悔之先生俳體戲答友人問詩美人秋心道其事也

九江周數十里如

功令建鄉約所薦鄉先生司約焉

龍雜之居君子不樂就也陳大令信民梅坪惟先生一言而就里門羣德疆蔬薶蹤武舉某老矣猶縱博爲姦利先生首謀於大令曰鄉患惟甚梅坪其可已序迺鳴官寘之灑先生感事詩云數百容公輩其如扞網終敗羣愁害馬亂眠惱飛蟲事以心平定機先目聽聰不文嗚絳灌黨論本來空蓋感於斯也

朱九江先生集

年譜

七

卷首

冬十有二月癸丑陳大令卒先生寓書馮愛之孝廉籌卹都門曰陳九身後無子寡妻弱女慘慟鳴號近識遠交異聲同歎至乃里父村僮竈姬走卒亦用惘然昔一國輟音春者解哀五殺百身可贖詩人以痛三良以古方今伊其信矣吾兄儻亦有聞而心惻者邪迺者總幃虛掩四壁風飈食蓼將茶不言而喻竊意渠同年世舊官京朝赴上計者咸萃都下得否會知贈賻遲速叨收嗟乎東里西華有後遜任君之殉素車白馬舉喪遲范叔之來讀者感焉故事搢紳卒於鄉未有籌卹都門者大令名進士賢而有文重以先生書故勸舉而人從之郵數百金卹其家是歲鄉人岑績熙率母劉年九十矣家貧遺幼孤五男三女先生以布鄉人卹亦忘亡也

十有八年

歲在戌

先生年三十有二

邑學三舉優行先生爲舉首皆不赴先是列優籍者多納金
先生以士望得之猶謝去

十有九年

歲在己亥

先生年三十有三

夏五月大水鄉隄瀕危先生與孝廉馮愛之明次卿馳赴之
列丁夫豐餉犒埤黏土橐杙連雲萬杵陡作越四日而隄復
完當是時風雨暴來飛濤及面足下洶洶作聲鄉人色駭先
生出立而奠之皆相慶也隄趾故多叢莽築者疑畏先生手
塚其上曰隄決地且濬焉冢骨何有如彼不諒惟予之崇迺
卒工鄉人以多先生而先生不居焉先生憫潦呈兩孝廉詩
云大隄如堅城浮脰同轄毛延緣一綫泥障壅千丈濤是時
朱九江先生集

年譜

八

卷首

萬家命呼吸人鬼交又云吁惟此邦人真不可與明不自有
其土樂禍如佳兵費我借箸籌會無箠犒情是地豈閒田虞
芮兩勿爭不爭事猶可不救瘡痍成三五垂白叟叩頭厥角
崩藉非明公惠百室魚頭生

先生常曰天於兆民之中獨畀一二人材蓋兆民苦樂皆寄
之矣父傳業而先長子所以字幼也徒媾吾才自爲計何異
吞產棄親傷其父命天心不其然也吉凶與民同患聖者出
之安賢者體之勉當官舉其事下士盡其心又曰人必思所
以自居衍衍度日生無益於時死無聞於後雖活百年猶殤
子爾

秋涇陽張文毅江甯潘忠毅來典試先生與伯兄同舉於鄉

時人稱之曰南海明珠同時入貢矣

冬先生與伯兄北行會試抵清遠縣寄季弟宜城書曰五弟無恙征舸旣邁遽逾十晨願言之懷昔人所喟愛而不見如何如何吾弟內娛諉背外隆德聲雖曾輿齧指而動操召南樵山而振脩絜其勤勞無以喻之也歸束裝後待友佛山鎮兩日迺得成行舟師謳櫂若汎鳧鷖游子寄音眇望魚雁是夜宵半衝風驟激頽波瀾厲元雲靄空夙夕不解雨雪告零先集爲霰曙發盧包之汎莫宿黃巢之磯嚴霜隕而葭葦淒元冥深而若英晏鼈頸之灘迷茫滄津逮龜手之藥歎惻惻水工行路之難諗我端倪矣家累凡百弟克當之回睨舊鄉神魂慰藉惟吾弟續昏一事軫結未忘上有黃髮罷勞晨夜

朱九江先生集

年譜

九

卷首

下有雞稚噢嚙噓笑茲事之亟豈煩覩縷顧鄉土是諮亦云省便而此邦之入內教隨壞習錮旣久庸計門戶宛宛處子或有季蘭之好愆悠靡俗恐入齊咻之教天下多美何必是求權輿弗戒後懊焉集行子過計是用樓樓風水蹇逆行郵遂淹以今二十七日到清遠縣兄弟健好餐飯猶昔兼多徒侶解誨憂虞誥誡家人勿我爲念從茲度嶺浮泝西下楚歌千些湘波萬重背湖涉江釋舟趣陸更復馬首斷雲千里隨夢雁足飛雪崇朝灑襟七聖皆迷之野惘惘而驅車耦耕不輟之鄉栖栖而問道山川合沓息影何時靜言思之百憂集矣夫人情迹接則多忘景逝則恆憶歲華不居游讎未極往時家術羣從如龍齋居盤盞言笑晏晏東方未明已對牀相

語西柄之揭猶露坐未眠論難紛起聲與百舌競蠻觴詠橫
飛酒微一斗亦醉魏文有言當此之時忽不自知其樂也繇
今以思曠若星漢擬諸形容尚繪心目每當落帆江滸擁衾
無寐清角朝厲游鴻夜吟我懷云勞不可說也自惟寡薄豈
辦任官此行邀福或叨一第思遂南歸寄迹丙舍將吾叔仲
長奉板輿對鵲占門徙魚築宅陸機之屋不問虜東西何點
之山略分虜大小時及霜露言羅雞豚祀先之餘兼以速客
雖甑生塵而日晏風吹擇而歲寒而風詩教睦取鹿食之相
噉金石歌商結鶉衣而不恥明明如月長照其素風温温恭
人永垂爲家澶閉門養親至於沒齒雖三公上衮百城南面
何以易此哉其許我虜非敢望也有問訊者達此靈言音塵

朱九江先生集

年譜

十

卷首

未積風雲逾闕家食餘閑奉勸光采勞人草草筆不抒心讀
者皆曰天倫之至文也

二十年

歲在庚子

先生年三十有四

春先生北行次德州作塵沙行詩會試報罷旅都門高平祁
尚書數請相見不至又屬梁編修國琮何騰錄鼎彝申意曰
朱孝廉予撫粵時書院首選士也先生復編修等曰尚書遇
我厚矣願以素士見則分有不敢以門下見則義有不安請
謁之誠願踈佗日

二十有一年

歲在辛丑

先生年三十有五

春先生會試報罷旅都門先生自北旅以來居邑館泳珠堂
時借書士大夫家昭代憲章名公行實采獲之勤申旦不寐

倦迺幽尋翛然獨往車馬造門者一刺報之而已先生游良鄉作題壁詩

集中之詩終於此作

秋先生南歸

二十有二年

歲在壬寅

先生年三十有六

先生居南沙陳氏賓館嘗語其學子曰處子耿介

文選注處子處士也

守身如玉谷暗蘭薰芳菲自遠聞者佩爲名言

二十有三年

歲在癸卯

先生年三十有七

先生居陳氏賓館有勸以遷教都會者先生笑而不答迺報

家人書曰以周公之上聖日讀百篇以孔父之多能韋編二

絕學者殖也不殖將落况庸虛如某者乎某非不知遷地爲

良或可多出儋石然學子百輩終日卒卒豈復有須臾暇邪

今孝廉船便冬杪復儼計借萬一僥幸此身遂非已有爾時

朱九江先生集

年譜

十一 卷首

雖欲假片刻餘閒補平生所未及那可復得昔范希文以先

憂後樂爲已任讀書長白寺垂十年畫鬻而餐斷齋而食雪

案無寐燔敗葉自溫孫高陽作諸生授書關外年四十矣布

衣徒步往來飛狐倒馬間數從塞下老兵問阨塞險易士馬

強弱之數是二君子者伏則泥潛出則霆震發皇耳目驚爆

天下非偶然也某雖無似志事豈後於古人是用辭富居貧

使故業可理然且廣廈細旃我冠坐論供養過二公遠甚恐

將來藉手不中與二公作廝養僕耳凡此悽悽不足爲外人

道也遂銘成言於坐隅曰我輩常人分陰當惜儒者所恥一

物不知

陳氏歲餽餅先生舉以詒所知而不歸其家人所知問之先

生曰是不宜母疾者也婦子獨餉母雖安之吾何以自安虜
故先生之事關太宜人也繼母如母動於其天一器一役喜
躬親之如嬉兒之爭承母不以壯佼眠也母疾有所求雖風
雨跣足衣短後皇皇而赴其求也

或曰頻年河決東南多大水何也先生喟然曰宋蒲宗孟有
言臣陰象兵陰物夷狄陰之方佞邪陰之黨姦臣陰之極繇
今觀之兵燹雖衰羣陰何如也

冬十月先生與伯兄北行會試庚申祖道爲文祭之曰曩游
萬里跋履風塵南浮北走起憊亨屯匪曰予智惟依於神三
年不鳴又及茲辰昔丞相宏謁公車者再迫欲求伸緣飾經
術嗤黜下春亦越昌黎兩舉有聞爲古碩儒爲時貞臣是一

朱九江先生集

年譜

三

卷首

君子一猶一薰予矢諸夙夜神知其勤於戲不可知者遇不
可信者文不敢負者學不敢玩者身風飄車偈江汜河濬尚
勸相子宏濟關津

二十有四年

歲在甲辰

先生年三十有八

春先生與伯兄會試報罷初先生北行乏資斧溫氏富人奉
重金乞擘窠大書先生不納鬻藏書而行繼母關太宜人於
其行也簪髮飲酒命二子曰予宿羸疾猶自適也行矣毋予
憂旣行人之疾革春正月丁酉關太宜人卒未葬待公車之
二子也都門旣遠凶問又紆不相直焉邑團拜日先生心悻
小憩夢衣冠髯丈夫數謂之曰君胡不歸先生異之已而報
罷伯兄旅都門先生南歸秋七月甲戌先生至自公車及門

聞喪噀號哀絕三日勺水不入口咯血殯前仲兄懼迎族叔
知醫者曰明著先生哭謂明著曰背親圖榮卽於大故不孝
之人人天斯絕尊者何用生之虐又哀絕遽見二毛毀甚旣
成服止草居西潦方退暑溼蚊蚋家人設敝帷席先生麾去
曰吾母今獲安宅邪比葬先生歔鬻寢苦於地者五越月冬
十月乙巳有采虹垂於其家魚池光華儼然終朝迺已觀者
歎曰孝通之徵也

二十有五年

歲在乙巳

先生年三十有九

先生執喪居鄉正覺寺喪食二年家人嘗以肉進先生不卽
卻旋以畀其門者

二十有六年

歲在丙午

先生年四十

朱九江先生集

年譜

三

卷首

冬十月先生服闋繼母之卒先生五越月而聞喪故於是月
也服闋

二十有七年

歲在丁未

先生年四十有一

春先生與伯兄北行會試先生成進士卽用知縣籤分山西
初先生之試與貢士焉遐邇聞勸之一甲及廷試方日
朕主者遽趣卷試者乞緩或揖之先生以屈節非士也非所
以爲出身地也卷未完呈之而出邑先達在官者聞之惜其
才閭道之使完卷先生不服閭不顧也先生少日書趙甌北
年譜詩云男兒自有千秋業堪笑平生志大魁然則先生之
志皎然已豫矣

秋先生假還宗鄰來賀先生曰科名適然耳爲官譚何容易

今而後何以宣

上德何以達下情諸君子殷勤教誨

幸書紳作活人經也

二十有九年

歲在己酉

先生年四十有三

春正月先生之官山西不挈家而行丁酉禘道爲文祭之曰
某惟不佞行業未揚奉先臣之清白飲下士之編章數辱公
車一對明光乃荷

丹毫遂縮銀黃俾汝牧民唐魏之疆
假還不日待罪方將星言首涂吉日辰良神尚相予龔行四
方思敬楫於大川敢聘轡於康莊守道守官民幾民康夫惟
捧檄重眷維桑故山鬱鬱宰樹行行昔宋相籌邊屢吟想於
圭峯月下人龍開濟亦倦焉於歸臥南陽蓋馳驅可以許而
父母之邦良用不忘也於戲肅肅

王命悠悠天常日

朱九江先生集

年譜

十四

卷首

月照臨臣敢懷鄉旣行次漢口先生欲取道汴梁以舉主潘
忠毅方爲豫撫嘗爲晉藩將問晉政於潘公也道過所知宦
楚者咸迎謂曰君往汴梁邪今晉撫與潘公同鄉同年深有
雅素今首府亦潘公同年也得此先容賢於十部從事矣先
生遂不果往於後寄兄弟書且自訟焉曰昔晉人欲加禮於
王丞相馮懷以問顏含含不答退而有憂色家人問之曰吾
聞伐國不問仁人曩者馮祖思問佞於我我豈有遺行與今
茲之事某不敢薄今人也惟媿省身克己恨氣淺薄使別嫌
明微之操未能卒白於天下皆某之罪也君子立身行事當
昭昭如日月之明離離若星辰之行微特較然不欺其志而
已安能隨波靡犯笑侮招逆億以察察之躬爲當世所指目

邪且卽不敢自作身分而世旣未能免俗一槩以相量矣將
或枋柄在手又安能昌言正色直己而直入邪冬十有一月
丙辰先生抵太原城隍次僧舍蕭然獨居出則徒步入則齋
鹽所嗜一僕晉中人也先生曰卽地選僕習其方言將有所
訊庶幾吏民無壅虐嘗有客至適僕出小僧爲持刺入客迺
大笑先生答康述之廣文書曰昔魏敏果官京師不攜眷屬
王漁洋尚書作戲詩嘲之云三閒無佛殿一箇有毛僧今有
佛勝環翁遠矣自是先生在需次五年或訊獄讞局獄無留
者

三十年

歲在庚戌

先生年四十有四

先生在需次適歎吏事之難鮮討求者寄伯兄書曰人人以
朱九江先生集

年譜

五

卷首

一官樣作官民生何賴焉先生迺自重蒐武備倉儲河渠地
利諸書雖游宦如游學也

咸豐元年

歲在辛亥

先生年四十有五

先生在需次晉中多士爭從之游先生卻其摯與之言學如
古士相見禮無敢以私干者撫軍兆那蘇圖時所侮世襲一
等子鑲黃旗松崖兆公也其先人從

龍入關列功臣

選兆公知先生善屬文銜參日留燕先生兆公拜於筵下乞
作先人三世家傳先生不獲辭攷其功載屬藁以獻兆公嘉
之命吏歸羊酒貂錦朱提五百玉虹鑑真帖先生皆不受吏
難於反命以聞之潘忠毅時潘公方左官晉臬也遽使人謂
先生曰卻長者之賜何以爲恭虔先生迺受一帖

二年 歲在壬子 先生年四十有六

初晉北邊歸綏古甌脫地絕蒙古幕南晉邊毗輪租耕其地歲久衆數萬人遂不輸租蒙古忿之約期與鬥邊毗先期乘夜邀擊殺遞札薩克者七百餘人蒙古控於 朝未獲平章咸豐元年冬復控且言將用兵幕南 詔責行省迅治

二年春撫軍兆公議剿邊毗邊毗颺言拒捕先生聞之夜見臬司潘公問其事潘公曰兵將動矣先生曰此激亂也今南方盜寇有魚爛之憂又使北方軍興以重兵釁以生盜心中原自此多故矣不如遣一能吏親諭邊毗俾獻罪魁執以說於蒙古此一介使事耳潘公以白兆公兆公遂寤顧念晉員無足任者潘公薦先生曰言者其人也兆公以先生奏

朱九江先生集

年譜

去

卷首

聞請代平章漢蒙事夏五月先生偕

朝命馳至幕

南訊其耆老縛罪魁十有三人乙卯衣裘絕大幕及蒙古盟界王出迓曰天使大人何幸來也王迺先馬抵所部將

命王遣人策馬千里走戈壁外市鯁張燕大會諸王咸以抵罪者少未肯解覺先生具宣 天子德意且言死者

雖多迺自相蹈藉而死援刑律檢骨灑折之又因其俗言血刃尋仇不如喇嘛禮魂諸王微動諸王中灑福善者嘗居京邸知詩久慕先生於是因灑王以諭諸王殺十有三人而灑解先生之行也挾五臺黃喇嘛德徹以行卒用藏事諸王說先生曠裘二百襲謝弗受使還兆公將以知府花翎奏請先生聞之以議發自己且薦自舉主潘公有銜售之嫌請潘公

爲固辭於兆公迺已會及班夏六月壬辰署孝義縣未赴丙午襄陵縣待署諺所傳金襄陵者也兆公以易孝義笑謂潘公曰朱三兒脂膏不潤易之可也

秋七月戊辰二十先生子身赴襄陵以儒爲治而績成繫囚趙三不核劇盜也介薛令去官越獄奔逃薛令須先生至以相屬先生謝病三日不至盜遂不戒先生陰出重貲購知其所適亟假郡役前半夕疾馳百二十里至曲沃郭南酒家盜方登樓羣飲役前持之盜麾刃死拒顛墜者數人歟而樓上百炬齊環則皆襄陵縣鑑也盜迺就縛比邑人迎新令則繫原盜人矣河東歲患狼俗愚謂爲神物不敢擊席氏女將出閨爲所噬訟者兩造噬其一先生憂之募獵戶禽狼獲者與朱九江先生集

年譜

十七

卷首

錢萬猶無獲迺親檄西山神祠民患狼而祀之者也約十日驅狼盡不則毀神瀆其地邑人皆恐時方秋肅天迺大霧旬日人得迹狼所至攢火鎗擊之無脫者得狼百有七患遂絕邑人不雨先生雩之雨則告足佗邑以雹傷稼邑則大有年旣霜降衡汾輿梁成潦又至將沒先生繫之則潦退平陽總兵某驕橫挾軍興勢以八百里台符行縣調吉州兵先生曰襄陵至吉州二百三十里雪峰漲谷道險傷行邑故不置驛營有急當發塘兵曷以台符行縣爲遂不納總兵牒大府劾之先生言於大府曰台符妄擾民不堪命其不效南方盜者幾何合甯以謀軍興待罪不敢激民變大府無以難先生下車脩鄧伯道祠崇風教也親教士養中堂頌讀書日程色笑

而教士皆醉誼忘歸邑試士日皆自校文案夜忘寢讞獄不輕及士鄉者邑士補弟子員凡五十有二人摯於邑令人率二十有四金犒從四金謂是棚規之助也先生曰是何以處寒峻皆免之迺蠲棚規礪石學門邑故晉腴壤後稍疲矣有司偁壽告幫猶不爲殺輦金千百先生至禁之一緡不事邑民無夜守涂車載金河舟居貨皆眞焉先生行夜讓其慢藏里甲曰民固然也先生異之蓋邑有唐風而民徧兄弟因異財訟者不絕先生以骨肉之間非佗也吃虧而已且訟決益怨論之歸旋復訟先生憂之已而悟曰言兄弟者必溯妻帑常棣之誼也迺訊訟者訊兄曰吾友也訊弟弟曰吾恭也先生曰若兄弟所言胡爲虐訟哉必生自婦人也當先懲之

朱九江先生集

年譜

六

卷首

先生讞獄不輕及婦人至是疇役於庭速婦人至旣退役不卽行越日訟者具悔狀乞罷請爲兄弟如初邑遂無異財訟關氏錯居河東解州世襲翰林博士某數以訟脅族人財越竟而干先生先生踴門揭期弊獄壯繆侯席許百姓聚觀及期旦日闔廡闔觀者數千人埃階下日中先生袷服入升堂溥士及其族人皆從先生抗聲祝曰侯誼烈百世鄙夫羞顏今侯之子孫不念侯德至以屬令令涼德不能化誨使有門內之獄以爲神明羞此令之罪也某懼乞罷先生流涕責之曰若祖異姓如骨肉若迺同室如敵仇若祖不以金帛易恩誼若迺於門內索金帛敗官不忠忝世不孝雖積賄人將不食汝餘吾不難請禡汝擇賢繼侯世願罪狀出且辱州里輕

朝廷汝迺覩然蹈之虐於是觀者唾罵某媿欲死搏頰自
詈邑遂無親屬訟殺人囚劉長幅淹獄久先生至迺引伏出
就市刑泣謂觀者曰死自吾分恨耶來遲吾致陷此爾平陽
西三十里曰平山亦所稱壺口也平水出焉襄陵與臨汾受
平水分灌其田豪右龍斷爲奸非有買水券弗予之水無地
者擅水之利而有地者反無水於是爭水而鬥者歲百千人
大獄數起咸豐元年邑人京控

詔以歸行省先生至

廉獄事獄成旣抵罪活百四十有七人貸數百家先生曰嗟
爾邑民利餌於前刑糾於後雖曰不罔民誰欺哉迺革其弊
定以地隨糧以水隨地之制會臨汾周合履畝兩邑田若稅
相直也定平水爲四十分縣各取其半竟內建四綱曰水則

朱九江先生集

年譜

五

卷首

水二十分釀八支渠所分灌毗壤廣狹爲差曰用人渠長司
水之禁令溝夫察分灌堰長守陡門皆聽於渠長違約者渠
長罰之不受罰者有刑誣者坐如律曰行水晝夜有程通閉
有節傳牌有部淘河有式動碾有候曰陡門築門築渠渠上
廣七尺下廣三尺門廣一尺其夾深尺有二寸礎石插板鏤
以書識稽以守詞四綱旣舉水利迺均凡得水田十萬畝有
奇愛棠錄云十萬八千畝先生且言於兆公曰襄陵水利民捐民脩乞
奏請毋照東南水田升科兆公命先生爲奏藁奏上

詔曰可繇是地皆水利相生相養民無所爭風俗遂變邑人
銘碑頌之先生宰政吏役無以賞爲之者又罷所私獻籌贍
其用戒毋受賕吏役皆馴官廚無特殺草具自給市肉共幕

賓而已慕賓治官書覈而後行或更其藁先生曰邑令者親民之父母也父母之於子何時何事不可以聞迺與民約民以事至則自擊鼓不問且莫聞鼓則坐堂皇從而鞠焉告無成期狀無成式或不知書口詠可也時出行縣老蒼頭控蹇衛一吏囊筆札一役負衣糧無佗騶從所至拊循媮媮老穉暱如家人迎路獻茶莽瓜果笑取少許俾享其忱民不知有共億也有遮訴者索木倚坐道遽與判牘命甲噉乙無敢不至民引伏則已常終日不筭一人曰細故毋傷夙好也杜門莊士風聽造廬諮民疾苦耳目無窮凡百美政思一一自我行之禁火葬罪同姓爲昏媾保甲新令追社倉粟二萬石烝烝嚮治風樸無囂優人百戲不戒而遷其所布令質直纖悉

朱九江先生集

年譜

三

卷首

野夫臧獲皆能道之流聞郡國傳爲美譚

三年

歲在癸丑

先生年四十有七

春二月癸未

日

先生去襄陵在任百九十日及代而去邑人

籲大府乞留不獲命舉邑皇皇如失慈母投文字繳蓋者絜絜薦積雖慰遣之弗止也乞留畫像養中堂出署之夕萬眾攀留遮馬首不得前及城門門爲之圯度汾橋橋爲之隳父老持觴榼伏餞頂蹠相舐里婦邨媠亦繡小兒遠至匍匐跪道乞摩兒頂曰耶試拊之兒好育也距郡三十里迺兩晝夜然後達當陔橋時郡邑弟子襴衫博帶百十人掖輿而過先生遂讓諸生謂輿僕固弟子職弗舍也先生旣去邑人遽祀之鄧伯道祠旋築祠而祀之晉人郭學士景僖曰山西賢令

程明道後一人其先生虜賈太僕克愼曰良吏出晉陽者有
于青天先生來若相還也晉人侮之曰後朱子初咸豐二年
冬南方盜東下破武昌安慶據金陵北至揚州先生在襄陵
驚曰賊巢金陵非羣飛四掠不定其巢晉今雖遠吾懼其飛
掠而來如明之流賊也迺爲晉聯關隴三難五易十可守八
可征之策其略曰雍冀爲天地積高之府踞建瓴之勢我力
能合從則腹背無虞願瞻關隴唇齒依之矣晉中富實甲天
下內而馬牧金鐵硝磺芻粟之產外而蒙古察哈爾之兵踊
躍徵需可饒軍實長安稱陸海豪戶不減晉中河西武力關
外防秋皆緩急之資也一旦有警甘督出商漢陝撫據潼關
與吾爲犄角吾撫軍則率北鎮勁旅扼河爲固踞茅津太陽
朱九江先生集

年譜

三

卷首

之間命廉使率南鎮控太行以防河北其餘若遼州之十八
盤平定之井陘口五臺之黑山龍泉諸關可丸泥封也北邊
幸無事將軍引綏遠旗兵入鎮行省與藩侯居守副都統移
駐大同以筦北門我師之出平蒲爲正澤潞爲奇正扼其亢
奇拊其背以守則固以征則彊是故漢南有賊甘督爲主秦
晉赴之河北有賊我師爲主關隴赴之豫中有賊我與甘軍
之赴陝撫者亦如之堅瑕一氣折衝千里此常山蛇勢也於
以鞭笞楚蜀控引河洛援中原以屏蔽 京師豈不爲桓文
之烈哉其條目又有止徵調請便宜嚴賞戮作忠誼右軍謀
選鋒銳講拊循禁科派保殷富息流移諸政纒纒萬言窮日
屬藁以平陽太守何維擘撫軍哈芬所信也陳策干之再三

朱九江先生集

年譜

三

卷首

畿輔

天子遂以輦轂爲憂何太守闔門遇難哈撫軍

不用及代瀕行先生告襄陵人曰賊將至矣賊之勢必渡河而晉無備必入晉旣入聞襄陵富必窺襄陵今爲之策燔汾河之舟毀城外之室賊至旣不得渡又無所掠此城必可完也邑人以賊遠且燔毀始難之以先生來則旣惠去則必哲終從之迺籌金合以水利捐餘凡所燔毀估其價賊退復之信鈐邑印而行代還迺自奏記哈撫軍如所以告何太守者尤加切焉哈撫軍素不知書旣先生策若無覩也納策韡中遽退幕賓教之言迺出謂先生曰子之策謂之先事豫防也可謂之未事張皇也亦可卒不用先生遂引疾亡何揚州賊由鳳臺趣豫跨河撲懷慶八月折而西入晉逕陷垣曲絳縣曲沃進屠平陽又殘洪洞潞城黎城以出喋血千里蹂躪及

聞難先逃革職遣戍而襄陵守先生遺策其城特完先生避居五臺待給咨未南歸固束手而旣賊之來矣先生方去襄陵幡然有南歸箸述之思猶自奏記事無如何迺決引疾蓋以去就力爭先生之仁先生之誼也安邱王棊友孝廉宰晉鄉甯七十耆儒邂逅而說先生春二月甲申先生答書云僕南歸之議往復自決然江楚阻兵未卜戒涂何日大箸未刻望分錄給若行篋攜有家集及鄉先正名集亦分數種拙輯

國朝名臣言行錄所取資也此書成後尚欲做黃梨洲明儒學案輯一書以著我朝一代儒宗顧不欲分漢學宋學

如江鄭堂師承記云也見聞隘陋未知果有成否此先生去

襄陵後一日書也

四年

歲在甲寅

先生年四十有八

先生猶在山西既給咨未南歸盜氛故也夏六月乙未先生答王棐友書曰近雖栖尋舊宇譬如池魚籠鳥時有山藪江湖之思設秋後內地仍不可通決意道津門航海歸矣幼安危坐巢父掉歌古之人有行之者丈人聞此必謂生好勇過矣過矣晒之邪悲之邪世難方殷靡知所底項領之歎詩雅以嗟然竊惟自古泯焚之會元黃戈馬之秋天命民彝必不可以一朝絕不絕則宜有所寄斯鉅者宜在脩學好古之儒秦氏以還如伏勝申公許鄭二劉熊安生之倫是也閣下勉旃自愛而已

朱九江先生集

年譜

三

卷首

五年

歲在乙卯

先生年四十有九

先生南歸夏六月至自山西初先生西行謀於宗鄙行貲雖苦載歸貲而行曰士大夫以宦爲家不克歸休甘心好巧吾疆項令也不有歸貲可若何於是居晉七年歸貲不佗動也及引疾歸道上兵荒豫貲不足次贛州典裘度嶺迺至其家

六年

歲在丙辰

先生年五十

先生居邑學尊經閣宗鄙舊游之子弟皆從學焉夏六月伯兄卒先生聞喪哭失聲既虞檢其遺詩曰昔伯兄云佗日吾詩之序敢以煩舊游毋句諸達官貴人也今當從之秋九月英人來寇先生謂從學者曰劉季有言公等皆去吾亦從此逝矣迺歸九江已而寇深且北犯先生悲之成疾結筋項下

於後粵中鄉屯數十萬人主者請先生襄其事先生不赴謂
鄉人曰吾人微言輕非所溷也且當路之常今日言兵明日
言款若天使之然者人豈能與天爭虐其究如先生言

七年

歲在丁巳

先生年五十有一

先生居九江先人敝廬方筵而已自構茅齋度書萬卷歌饗
其中鄉人從學者苦無分舍也請先生居別墅焉是歲而後
先生鄉居不入城市蓋九江先生之稱自斯始矣先生幼年
家少有贈公鬻四子終乏先生宿用脯脩則從學者之禮也
謝從學者西行七年行者一身居者一家皆籌金於人而贖
南歸不載晉一錢又用脯脩償金先償其無子錢者鄉人關
承遠貸金三百先生償之貸者亡矣其子不受曰將毋誤邪

朱九江先生集

年譜

三

卷首

先生笑曰豈有窮措大而誤與人多金者虐遂償之既歸二
十有七年越先生卒前一年償金迺畢卒年築寶綸閣以移
茅齋所度之書

八年

歲在戊午

先生年五十有二

先生居九江遠方從學者日至先生講學禮山下有古大夫
歸教州里之風於是講學終二十餘年每聞先生曰烏虐孔
子歿而微言絕七十子終而大誼乖豈不然哉天下學術之
變久矣今日之變則變之變者也秦人滅學幸猶未墜漢之
學鄭康成集之宋之學朱子集之朱子又卽漢學而稽之首
也會同六經權衡四書使孔子之道大著於天下宋末以來
殺身成仁之士遠軼前古皆朱子力也朱子百世之師也事

師無犯無隱焉者也然而攻之者互起有明姚江之學以致
良知爲宗則攻朱子之格物乾隆中葉至於今日天下之學
多尊漢而退宋以攷据爲宗則攻朱子爲空疏一朱子也而
攻之者迺相矛盾虐學術之變古未有其變也烏虐古之言
異學者畔之於道外而孔子之道隱今之言漢學宋學者咻
之於道中而孔子之道歧何天下之不幸也彼攷据者不宋
學而漢學矣而獵璣文蠹大誼叢脞無用漢學之長有如是
哉孔子曰德之不脩學之不講是吾憂也吾今爲二三子告
勸至於古之實學而已矣學孔子之學無漢學無宋學也脩
身讀書此其實也二三子其志於斯虐脩身之實四曰惇行
孝弟崇尚名節變化氣質檢攝威儀今之學者其聞古之孝
弟則曰吾心固如此也其事則不能矣及其有失也則曰事
如此吾心不如此也然則汝心則是汝事則非孰使汝心不
能達於事邪抑汝心未誠耳誠以行之如古之孝弟也家人
且化焉鄭濂舉治家之道曰不聽婦言而已夫有言而不聽
豈若化之而無言虐且骨肉之間學者動以理爭也夫烏知
爭財者罪爭氣者罪爭理者亦罪禮曰門外之治誼斷恩門
內之治恩揜誼蓋不可以理爭也有變則以仁術全之可也
孝經曰立身行道揚名於後世以顯父母立身也者名節之
謂也今天下之士其風好利而鮮名節二百年於茲矣學者
不自立非君子人也昔者伊尹辨誼武侯謹慎辭受取與出
處去就之間昭昭大節至今照人如日月之在天也張子曰

形而後有氣質之性善反之則天地之性存焉鴻範曰沈潛剛克高明柔克變化之道也能自克而勝氣質則剛柔濟事是攸好德也攸好德則宜在五福不能自克而氣質勝則剛柔害事是弱也弱則宜在六極此學者之元龜也今之學者輒曰不羈威儀鮮自力詩曰不弔不祥威儀不類言亡國徵也以言學者亦亡身徵也故鬼幽鬼躁管輅猶覬之矣雖然脩身者不讀書不可也讀書之實五曰經學史學掌故之學性理之學辭章之學夫經明其理史證其事以經通經則經解正以史通經則經術行掌故者古今之成灋也本經史之用以參成灋則用灋而得灋外意矣性理非空言也易曰翰音登于天何可長也性理者所以明吾學之大皆吾分也用之無所驕不用無所歎古來才大而器小或矜伐自用若管仲姚崇李德裕張居正者猶譏焉吾以爲性理之書誼如欵戒足以自箴矣歐陽氏曰文章止於潤身政事可以及物夫信以文章非及物者虜君子之學以告當世以傳來者書以明之詩以歌之非文章不達也皆及物者也孔子曰言之無文行而不遠南宋而後古文之道寢衰天下必當有興者二子其志於斯虜烏虜有明季年流賊乘之今吾衰矣金陵之盜憂方大也孟子曰下無學賊民興可不懼哉

以上講學大旨

先生曰讀書者格物之事也王姚江講學譏朱子讀書曰攷良知可也學者行之流弊三百餘年夫良知良能皆原孟子今舉所知而遺所能虜既不讀書何以攷良知也不讀書而

致良知宜姚江不以佛氏明心爲非也此心學之弊也子路
佞於孔子曰何必讀書然後爲學則孔子之讀書爲學其常
也昔者姚江謫龍場驛憶其所讀書而皆有得姚江之學繇
讀書始也故其知且知兵其能且能禦亂

先生曰陳文恭之學非不宗朱子也文恭自謂於古聖賢之
書無所不讀也其詩曰吾道有宗主千秋朱紫陽此其所繇
入德也明英宗北狩弟景帝立及英宗歸景帝錮之英宗太
子皇太后所立也景帝廢之而立己子人倫蔑矣於是虐文
恭不赴禮闈憲宗卽位復赴焉此其知出處之大誼也昔者
定公元年孔子不仕而仕於定公九年當是時賊臣意如旣
卒終使昭公合墓二子無猜道成孝友春秋之變而得其正

朱九江先生集

年譜

三七

卷首

也文恭足知之矣文恭之學讀書而靜養也朱子所灋虐孔
子者也文恭之教使學者端坐澄心未讀書而靜養則所養
者未必端倪之正也非朱子所灋虐孔子者也

先生曰六經者古人已然之迹也六經之學所以踐迹也踐
迹而入於室善人之道也所謂深造之以道欲其自得之也
子張問善人之道子曰不踐迹亦不入於室陸子靜善人也
未嘗不學然始事於心不始事於學而曰六經注我我注六
經雖善人虐其非善人之道也

先生曰顧亭林讀書亡明之際抗節西山日知錄遺書繇體
及用簡其大灋當可行於天下而先王之道必不衰

先生曰紀文達漢學之前茅也阮文達漢學之後勁也百年

以來聰明魁異之士多錮於斯矣烏虜此天下所以罕人才也

先生曰小學非六書而已也紀文達必從漢志非也朱子小學小學之道也大戴禮曰古者年八歲而出就小學學小莪焉履小節焉束髮就大學學大莪焉履大節焉尚書大傳略司是故小學養大學

先生曰 皇清經解阮文達之所詒也殆裨於經矣雖然

何偏之甚也顧亭林之學不分於漢宋也今采其說尊宋者

芟焉如日知錄於易謂不有程傳大書以 國朝爲目當時

之儒非皆漢學也若方靈泉者流迺一言之不錄也

先生曰宋儒言去欲漢學者以爲非曰所欲與之聚之孟子

朱九江先生集

年譜

三

卷首

誼也彼漢學者東眠不見西牆矣人欲有公而有私也樂記所謂滅天理而窮人欲者也漢書黥布反高祖諭謂布曰何苦而反布曰欲爲帝耳然則布之欲也其宜去虜抑不去虜先生曰苟爽九十五日而登台司眠鄭君何如哉比牒併名早爲宰相鄭君之素風無失也此行虜經學者也漢學之真也

先生曰經誼所以治事也分齋者歧矣邱文莊大學衍義補嘗辨分齋之非

學所以名儒也分門者窒矣近人著書有以經學名儒分門者

先生曰儒有君子小人然儒林傳外立道學傳焉則宋史之

失所尊也漢書鄭康成唐書韓退之皆列傳也奚必標異虜

先生曰今之子弟所志者科名而已所力者八股八韻八瀆

而已故今之所謂佳子弟皆古之所謂自暴自棄之尤者也
以上申古之實學

先生曰讀書者何也讀書以明理明理以處事先以自治其
身心隨而應天下國家之用

先生曰古之學者六藝而已矣於易驗消長之機於書察治
亂之迹於詩辨邪正之介於禮見聖人行事之大經於春秋
見聖人斷事之大權

先生曰漢書藝文志云古之學者耕且養二年而通一藝存
其大體玩經文而已是故用日少而畜德多三十而五經立
也吾聞經師之灋日誦三百言數以貫之荀子誦數以貫不
之言重習也不

及三年雖在中人五經皆辯辯同編昔者東方朔年二十二上

朱九江先生集

年譜

三五

卷首

書自言十六學詩書誦二十二萬言十九學孫吳兵灋亦誦
二十二萬言凡已誦四十四萬言繇今攷之朔六年之中日
誦二百言有奇中人無不能也少苟失學何患於無年庠

先生曰王制樂正崇四術立四教順先王詩書禮樂以造士
此古者大學之教也左傳韓宣子適魯觀書於大史氏見易
象與魯春秋曰周禮盡在魯矣吾乃今知周公之德與周之
所以王也夫春秋魯史也周官以大卜掌易故宣子晉之賢
大夫也猶於是始見其書宣子之所見者周之制也而歎之
若此况益以孔子之文庠史記孔子以詩書禮樂教弟子蓋
三千焉身通六藝者七十有二人孔子曰皆異能之士也是
故六藝之學不可無序

先生曰樂經亡而不亡也樂章存乎詩樂節存乎禮孔子雅言非不及樂也有存乎詩禮者也

先生曰注疏者學十三經之始也古今名家聲音訓詁去其違而終之經誼焉可也

先生曰漢興諸經復出秦火之殘釋者難之漢制治經專經也國朝初制未改專經今之困學者師焉或拘而失矣以眠荒經不猶瘡瘡

先生曰韓子云士不通經果不足用然則通經將以致用也不可以執一也不可以嗜瑣也學之而無用者非通經也董子云詩無達詁易無達占春秋無達辭此董子之能通經也孟子言詩皆無達詁班氏云後世經傳既已乖離博學者又

朱九江先生集

年譜

三

卷首

不思多聞闕疑之誼而務碎誼逃難便辭巧說破壞形體說五字之文至於二三萬言後進彌以馳逐故幼童而守一藝白首而後能言安其所習毀所不見終以自蔽此學者之大患也今之漢學其免班氏之譏否也

先生曰朱子師程子者也朱子釋經不或匡程子之失虜志遜而辨辭恭而直朱子事師之誼也今之漢學喜攻朱子蚘沸者無譏矣將或中焉惜夫其不如朱子之事師也

先生曰六書小學治經者所時資也必謂先盡讀小學諸書而後可通聖人之道也將徒蔽之也爲其書之不能無鑿也先生曰傳云易有聖人之道四焉以言者尚其辭以動者尚其變以制器者尚其象以卜筮者尚其占是故後之易家執

其一焉則賊也

先生曰書偽古文亂經也

先生曰詩序傳之子夏而不皆子夏所傳者也學者辨焉

先生曰春秋之作懼邪說也孟子其通春秋之微告戒於百世者矣左氏公羊雖佐春秋惑邪說者十二三焉穀梁頗鑿然罕惑也故春秋之學舍傳不能通經違經不能正傳

先生曰記云禮時爲大學禮者宜何如會通也

先生曰史之於經猶醫案也

先生曰書與春秋經之史史之經也百王史蘊其流也正史紀傳書也通鑑編年春秋也以此見治經治史不可以或偏也

朱九江先生集

年譜

三

卷首

先生曰二十四史讀之者其要可知也四史

史記前漢書後漢書三國志

史之冠也明史史之近也

史記六國表序以其近已而俗變相類

先生曰明史屬藁有布衣萬季野焉史局諸臣鴻博選也越六十年而書成故史誼之精獨踰羣史

先生曰資治通鑑史學之大用也雖百世可爲王者師矣畢氏之續未逮也然續者獨推焉

先生曰通鑑立文先書之要後書之詳蓋綱目存焉矣若夫

綱目非朱子成之也篡於門人

趙師淵諸人

其文竄而疏

先生曰通鑑書戰者詳兵謀之著也

先生曰紀事本末其尋之也易不亦宜備虜

先生曰孔子雅言周之掌故備其中矣詩商頌而外皆周詩

也書則周書爲多夏殷之禮微所執者周禮也

先生曰九通掌故之都市也士不讀九通是謂不通杜佑通

通志馬端臨文獻通考

續三通 皇朝三通

先生曰掌故之學至曠也繇今觀之地利軍謀斯其亟矣

先生曰知掌故而不知經史胥吏之才也

先生曰古無所謂理學經學卽理學也顧氏之言是矣雖然性理諸書翦其繁枝固經學之佐也

先生曰易尚文言後之語錄則無文矣

先生曰人有鄉黨自好之人文亦有鄉黨自好之文君子不爲也

先生曰經史之誼通掌故而服性理焉如是則辭章之發也

朱九江先生集

年譜

三

卷首

非猶虛文人無足觀者矣

宋劉忠肅每戒子弟曰士當以器識爲先一命爲文人無足觀矣

先生曰有古誼然後有古文明之七子學古文而未能無古

誼也韓子讀三代兩漢之書志其誼彙其文文成古文誼求

古誼也學者爲文志過其師迺及其師故學文不徒自韓子

始韓子以來名家輩出皆有可師然莫如韓子唐以前之文

多華唐以後之文多樸唐以前之文多曲唐以後之文多平

唐以前之文句多短唐以後之文句多長散文駢文古無別

出堯典申命孔傳繫辭可類明也故曰駢文有氣卽爲古文

壽文非古也君子謂之詭古詩三百今之詩彙通焉李杜韓

蘇詩之四雜得於詩三百者尤多

先生曰爲韓侂胄作南園閱古泉記者陸務觀也爲石亨作

族譜跋者吳子傳也爲嚴嵩作鈴山堂集序者湛元明也皆君子而失之者也故曰許人一文猶許人一女以上申讀書之實先生曰居父母之喪不可以居講院也 功令之所嚴也然而知之者罕也哀哉

先生曰易坤爲吝齋處婦人者宜知也

先生曰子昔居南沙陳氏賓館其主人今所僱埽地北也子聞諸徐佩章之尊甫曰北少貧爲埽地傭旣而市利家少有厚憚其弟妻子一布一粟兄與弟平兄奔走而目蕉萃弟不知艱難食兄之力嘻嘻瘠餓腹而游兄妻弗說夫歸私告叔過夫搖手陽驚曰汝未知也汝勿言汝眠吾貌貧人也汝眠叔貌富人也吾以弟名人市市利三倍若吾名則耗矣凡汝之食皆叔之福也妻改禮其叔家臻富有而不睽繇是觀之埽地北一市人耳不愛千金而愛其弟又能使家人之相愛也孟子曰是乃仁術也

先生曰雖有國賊敢不畏直節之士哉淮南王安日夜爲反

謀曰漢廷大臣獨汲黯好直諫守節死誼難惑以非至如說

丞相宏等如發蒙振落耳資治通鑑然則漢之丞相苟有汲黯之

風也淮南必不動矣

先生曰士之於名節也終身之力豈一日之幸歟宋史盧秉

謁蔣堂坐池亭堂曰亭沼麤適恨林木未就爾秉曰亭沼如爵位時來或有之林木非培植根株弗成大似士大夫立名

節也

先生曰施彥執有言今人或處已廉然捨克百姓上以媚朝廷下以詔權貴輒得美官雖不入己其入己莫甚焉此劫盜也

北窗叟
錄

先生曰今之學者甯爲其介毋爲其通

先生曰朱子侂呂伯恭變化氣質何哉伯恭之少也性暴怒及讀論語曰躬自厚而薄責於人遂自克也朱子侂之將以告吾學者也讀書自克吾學者之事也

先生曰吾聞西門豹性急佩韋以自緩董安于性緩佩弦以

自急

韓非子

何古人之善變虛吾宦晉所知者有王令性急五

板卽殺人也人侂之曰王五板有陰令性緩三年不澣衣也人侂之曰陰二年烏虜若二令者不自治而治人邪

朱九江先生集

年譜

三

卷首

先生曰宰相者士之所爲爾士無威儀雖與之宰相非其器

也鄭縈曰歇後鄭五作宰相事可知矣

新唐書○以上申脩身之實○凡講學所

常言者舉要而書其餘條辨經史詳論諸說當別爲錄今以年譜之例未獲盡焉

九年 歲在己未 先生年五十有三

春季弟會宗人脩朱氏家譜先生述序例授之先生編朱氏傳芳集於後家譜成先生爲之序其略曰譜牒之學史學也

周官奠繫世辨昭穆掌於小史史記紀五帝迄夏殷周秦並詳其子孫氏姓而世本一書漢志隸春秋家蓋先王譜學之

設實與宗彙相雜而表裏虜國史宗彙立而士大夫家收族合食至於百世不遷而與其繫世辨其昭穆朝廷且爲之庀

官司藏冊府是故黃農虞夏之胄閱數千祀而可知也世祿

廢宗彙亡譜學乃曠絕不可攷漢興天子奮於草茅將相出於屠牧率罔知本系所繇來魏晉至唐仕宦重門閥百家之譜上於吏部維時官之選舉必稽簿牘家之昏姻必等門第而譜學復興歐陽氏脩唐書有宰相世系之表隱示國史家牒相爲表裏且謂世族之盛諸臣克脩家彙致然跡其編纂論述若扞前史所無然通人碩儒咸許其湛深古誼能探先王制作精意蓋扞而實因也五季喪亂圖牒盡湮一二儒生迺欲掇拾補苴冀存古宗彙一綫及夸者爲之攀拏華腴虛張動伐或至不可究詰譜錄一家遂爲識者厭薄而去史益遠矣君子讀先生之序謂譜學今足明於天下也先生與宗人言常曰浦江鄭氏江州陳氏世世通財號爲義門載在國

朱九江先生集

年譜

三

卷首

史天下所共聞也吾宗數千人豈多讓虜方今

功合贍

族例

旌何其美也於是宗人捐產贍族綮四萬二千金

有奇先生爲之脩范氏義莊之彙完稅祀先養老勸學閔醵卹孤揀喪賑歎皆有其章上於有司奏

聞如例率宗

人脩祖祠動金鉅萬翩翩敷賁宗禮斯行戢物鴻裁釐然無失度者君子謂士大夫麗居室陋先廟於禮固違然敝廬自晏而祭堂不足以觀禮呂叔簡不猶責之虜今而後挹先生之風也

初先生西行黃太宜人未偕而西太宜人有二女伯姬與張

文學之子兆遠未昏賦拍舟

魯詩說

仲姬與梁孝廉耀宸旣嫁

而兄公耀樞大魁天下太宜人戒其女曰毋驕也先生行七

年寇亂不果歸太宜人憂之思以族子爲己子已而先生歸太宜人以買妾請於是巨室多來言美選者先生久之未可也邑陳氏有婢主人二子孩穉眠婢如其母也二子生未久父亡母弱家絕炊母黨及姑給之食婢忘其貧旣及笄迺自矢曰主今困弱有二子非婢不佐婢惟知佐主而已佗無所知也二子旣鬻婢年迺長主人將字之有以婢聞於先生知其氏曰霍遂往眠及門婢自外來貌寢脣赤執女工而跣足先生納焉婢之行也昧旦登舟二子篝燈將之旣至太宜人以妾賢且勤也喜踰其望及妾子之緘生則先生年六十有一矣妾有二女叔姬季姬

十有一年

歲在辛酉

先生在先生年五十有五

朱九江先生集

年譜

三

卷首

夏家人有死於外者外死不歸斂鄉俗然也先生曰孔子之誼友死無歸猶入殯其家况親者邪遂歸斂

秋先生聞

文宗顯皇帝之喪北面伏地大哭曰國事

迺至斯虐國事迺至斯虐先生雖退不忘國事凡臣工之議敵人之舉苟有係於天下大計者必自錄存無少忽也

同治元年

歲在壬戌

先生年五十有六

春二月先生奉

詔召用秋九月奉

詔趣赴

闕先生以疾未赴當是時

天子卽位嚮用人才萬民

喁仰天下同

召者十有六人粵中得二人焉先生及

徐大令也

徐大令見譜中

大令赴

召贈先生鄰女行

而別先生自名其堂曰簡書堂

二年 歲在癸亥 先生年五十有七

郭撫軍與先生同年也秋撫軍詒書先生將就見之先生復書善辭焉撫軍再詒書先生又復之固辭卒不得見

六年 歲在丁卯 先生年六十有一

廖南邨孝廉卒六年矣其子數乞墓志銘夏先生迺與之文門人問焉先生曰古文家無端之感殆謂是虜志之言曰天下之擾甚矣其端由吏治之汙居恆輿馬服翫聲色之好奢麗百出且復豐於獻納參於酬應謂之開展若而人者皆非腰纏入官者也壹取之於民而凡丁胥豪猾倚勢作威又喜言官慄受賂以恫嚇其民而放其無涯之欲日朘月削怨府毒深羣相敵讎橫流遂潰此方今之大患也又曰嗚呼國

朱九江先生集

年譜

三

卷首

家仁覆區宇變醜養瘠期使文無害者爲治中外顯僚下暨州縣學校之司取諸鄉會兩試號爲正途厥後人員回冗雜而多端自予童時里蓋有十三年甲科而歿於需次者其鄉科則予以道光己亥獲舉己亥以來迄於今里中獲舉者二十有三人計三十年中無以鄉舉授官者壯佼之夫忽忽奄就頽莫而逝者已不可作矣是可爲一世人材惜而世道之感當何如也

七年

歲在戊辰

先生年六十有二

夏相國駱文忠喪歸門人問曰聞文忠薦先生何如先生曰知己之薦漢曰舉主生則不拜不敢私也死則必祭不敢忘也徐孺子醢酒而悲古之人有可風者矣不才奉

召

命所繇特達未獲明文大臣休休之度固不使人知也

有島族人因潮州明經求見先生以佗出辭而謂明經曰子而忘經誼虐古之大夫非有君命不私覲禮曰爲人臣者無外交不敢貳君也今雖在籍敢自貳虐昔旅都門俄人有求見者吾未之見也子其辭焉

八年

歲在己巳

先生年六十有二

冬仲兄卒先生期不與燕隱虐其戚戚也曰今而後雖周行天下豈再得一同氣邪

九年

歲在庚午

先生年六十有四

秋伯兄子衢尊舉於鄉先生鬻孤而成之者也越四年卒先生傷之

朱九江先生集

年譜

三

卷首

十有三年

歲在甲戌

先生年六十有八

冬先生聞 穆宗毅皇帝之喪哭泣成服拜而言曰衰病之臣受 恩厚矣不能爲萬一報今又遽服此服也

哀哉先生之歸三聞 國郵必繇方喪居禮山簡書堂素冠要經喪食以終有鄉大夫來見未易服先生驚曰子猶未聞

哀詔虐不一佗言趣歸易服

光緒元年

歲在乙亥

先生年六十有九

滇之外徼英人馬加利死焉山苗戕之也英人布七事而抵其人主者弗與爭也先生論其事手書存之其終曰口情無厭得寸入尺我旣弱如此彼之要求將何可問易所謂自我致戎又誰咎也

二年 歲在丙子 先生年七十

有聞使英者以告先生閔然悲之於後先生既歿門人啟其

篋衍迺得手書曰派員往英之事何辱國至此朝廷□□可謂無

人□□身係安危先自屈辱損中國之威長□□之氣天下

何望矣回憶咸豐之事喋血郊圍盟於城下 乘輿出

遜 晏駕不還公羊所謂百世之讎無時焉而可與通

也今重有此大辱之事此志誼之士所以言念國恥當食而

歎中夜憤排誓心長往終己不顧者也

五年 歲在己卯 先生年七十有三

客至先生飲之酒而豐客出私語門人曰賢者固不可測始

予以先生為樸學也先生過予家予客之儉而不敢豐也今

朱九江先生集 年譜

堯 卷首

斯媿矣門人曰客不聞先生之言儉虛先生常曰齋於己不

齋於人謂之儉齋於人不齋於己謂之吝齋於人並齋於己

謂之愛儉者君子之德也吝與愛小人之事也故先生之儉

小廝門者一食三人鹽菜錢二十有五枚日餐脫粟舉椀斑

然麻衣當暑三十霜而一布袍內飲兄弟外篤嫻交鄉人來

言採喪知與不知量而皆賻客至羅稻烹薺粽其家食非從

學者脯脩不用焉貧而假貸終身未嘗負人也終身未嘗不

分人也 晏子春秋有齊吝愛之說以先生言行求之尤愈

六年 歲在庚辰 先生年七十有四

俄人有言聞伊犁也初言官奏 聞曰史記天官書云王

良策馬車騎滿野天戒將可沒虜亡何俄人遂動防海東南

秋七月甲午張制府裕撫軍遣吏齎書請先生赴海防先生以疾辭不赴已而覺解

門人問曰今之用兵如機器何先生曰兵莫患於不堅上下軍民聯爲一體我之堅也管子曰攻堅則瑕者堅攻瑕則堅者瑕敵雖機噐不有瑕者在虛彼謀諜者何爲也門人曰今之機器泰西兵噐也然則先生奚取於泰西水噐虜先生曰卑高之水畧分寸而灑潤焉泰西水噐而不必自泰西爲之也我用泰西也非泰西而不必可爲之者泰西機噐也漏卮也泰西用我也

七年

歲在辛巳

先生年七十有五

夏五月季弟卒將斂日者宗人曰先生當避日先生斥之及朱九江先生集

年譜

甲

卷首

斂先生撫尸兄弟方七十餘矣涔涔哭淚有沾斂衣者親拭之

夏六月庚子張制府裕撫軍以先生奏聞曰講明正學

身體力行比閩族黨薰德善良秋七月壬戌詔賜五品

卿銜冬十有二月丁丑十九日先生卒及斂面如生家無餘財

門人醵金以賻行省兩院而下皆祭國史館立傳光緒八

年春正月丁卯葬先生邑西樵鳳翼峯喪行之日四方自遠

來觀白衣冠會葬者彌望山中先生頤表方頤聲雄以徹六

世從祖烈愍少須麋先生復然既七十須白後左頤生一黑

莖澤甚無改與人緜色決誼則渥丹張頰威不可干終身蚤

起雖退歸厥明穀食惓惓講學日中而休食頃手旋執書既

昏如不遑也初光緒三年冬十有二月門人侍飲問曰先生
日著述者何先生曰凡吾著述有七焉曰 國朝名臣言行
錄彙末子也曰 國朝逸民傳嘗仕者亦書据逸民柳下惠
也曰性學源流論本誼而決其支也曰五史實徵錄宋遼金
元明采以資今也曰晉乘如程大昌雍錄也其書名未定有
論 國朝儒宗者做黃黎洲明儒學案而不分漢學宋學以
辨江鄭堂師承記之非有紀蒙古者勤北邊也酒闌先生曰
著述非爲名也吾書儻成願少裨天下雖吾名不傳無憾也
然吾衰矣俛焉知新藁有未脫定藁以傳猶須暇日爾卒年
八月謝絕一切家人問故曰吾有事於書也十月疾作知難
卒事遂自燔其藁竟日迺盡惜哉朱子曰伊川嘗言中庸今
朱九江先生集

年譜

聖 卷首

已成書

漢人於易說即謂之易於禮說即謂之禮程子所言從其例

然亦不傳於學者或

以問於和靖尹公則曰先生以不滿其意而火之矣蓋先生
之學志於用世始不欲以著述竟其才既不可得終無自逸

庶幾虛文章報

國之衷其於儒先著述常俾大學衍義資

治通鑑三通日知錄諸書爲其多實用也詩書禮記古人傳

之作者之名不必盡傳著述之志豈爲名虜今書不成必存

其目而不敢遺著述者天下公誼冀後人有成先生之志也

先生既卒門人猶有居禮山不忍去者遂築祠而祀之於後

門人蒐詩文暨附錄都爲十卷俾曰朱九江先生集

譜攝

定明史嘉慶十有二年迄同治十有三年

聖訓

欽

欽頒平定

各匪方略光緒以來

皇太后懿旨

皇上聖訓 國史館徐台英傳朱先生所列 國史館本傳
嘉慶以來諸臣奏議阮文達聖經室集駱文忠碑胡文忠集

左文襄集四川通志襄陵愛棠錄陳士恢襄陵水利碑王璠
朱先生畫像記廣州鄉賢傳南海縣志九江鄉志九江朱氏
家譜朱氏傳芳集潘忠毅朱贈公墓志銘朱氏宗人采訪朱
先生事實冊朱先生手書公車紀程朱先生手書襄陵日記
朱先生遺詩朱先生家書朱先生雜著朱先生手評門人詩
文卷朱先生家人所得編年舊本起嘉慶十有二年歲在丁
卯朱君生日至道光二十四年
歲在甲辰年三十有八事略

門人順德簡朝亮謹纂

光緒三十二年夏六月乙亥遷葬先生鄉龜山祖塋下

朱九江先生集

年譜

三

卷首

朱九江先生集目錄

卷首之二

卷一

詩

與陳五二首

過明二夜話追悼賁亨秀才

懷廖二 熊光清遠縣

造梁錫不值有題

讀史

道上吟贈陳千戶

至日懷族子廷光二首

寒食

朱九江先生集

目錄

思元一首

登雞冠鎮

謝張十二

偶感為蘇使君

卽事

湖江

和曉崖先生次鈴羊峽之作

夜泊東坡亭

書趙甌北年譜

過先孺人墓

江樓中秋夜同張十二

十六夜復登忠良山

送馮四

題里甫先生所藏劍

馮大 并蒼 集詩卷屬爲點定因繫以詩

張十二秀才前見投有白石詩詞姜仲友蒼生憂樂范

希文之句比者其配王夫人次云五常譽擅眉皆白

兩社功占手有文藻異龍鸞讀終愧仄將秦徐徽韻

未沫於茲卽勉酬四首

官洲渡望西樵阻潦晚泊龍津

詠西樵雙瀑詩

卷二

朱九江先生集

目錄

詩

卷首

與李大 鳴韶 夜話有贈

同李 梅 遊葉家池上作

泊勒樓阻潦候潮

題關鴻遺臺二絕句

柏林寺

絕句

出門歎

有感

贈黃處士

李大 鳴韶 過宿

重有感

登文瀾閣懷馮太學北行

賦得新松

謝廷光見寄

山長桂林夫子枉過

答李秀才

鳴韶

輓陳丈

顯鳳

九月十二夜遊東坡亭

得陳大

如珠

越南書

歲莫懷人詩

觀察陳桂林夫子

朱九江先生集

目錄

兵部何職方

文綺

中書孫舍人

鼎

馮太學

炳文

叔懿脩先生

夜坐

白菘茶圖爲關丈

家駿

答廷光

七月十四夜大堤上作

寢疾兼旬遠邇交親頻仍存造賦謝言懷有作三首

和梁三江泉寫望

有憶二絕句

越秀山憶諸子公車二一首

齋屋

謝里甫山長作畫一卷爲十幀貽王謨文學屬次琦跋

之小詩未有以應也甲午春杪文學索果前諾遂拈

杜詩得非元圃裂無乃瀟湘翻二句爲韻題其端

夜過談太學子粲歸次作四絕句兼訂太學見枉小齋

寄廷光村居

寄徐子台英都門兼簡馮六汝棠陳九信民

初九夜作

消夏雜咏

食春餅招關郭二生舍弟宗琦

朱九江先生集

目錄

四

卷首

卷二

詩

樂昌韓瀧祠

泊游絲汛

歸渡大通津望廣州

答談太學子粲見詒四十五韻

述懷二首

宮保盧制府遣吏人徵寫拙詩述德攄情賦呈四律

泛舟至花埭

寄舍弟宗琦

兵部何職方文綺坐聞熊鎮畿亡

春旱答廷光

丈人

赴李大孝廉

鳴韶

招飲百韻

城市一首再寄廷光

寄蔡道文學士司徒蔡以鄉闈報罷西行不通耗兩寒

暑矣客有適粵西者宛轉寄之

寶華坊退思別廨早起有述

夏日卽事

半塘晚步

諸子同遊荔支灣作歌

客中雜憶詩

朱九江先生集

目錄

太平門門卒行

蝗蟲歎

乙未閏六月初一日夜記夢

鄭玉樞藏邊壽民畫四首

水鶴

蠅

野馬

蛄鳴

和錢給事

儀吉

登鎮海樓之作

花球翠林園諸勝

河南張氏園亭贈勞翬

三山道中

過關二土場兄弟晚食兼簡張梅二生

桃源里訪關二書齋卽同登正覺寺後山

典衣四絕句

守歲與閨人夜話二首

卷四

詩

春懷八首

廷蔭之廣甯五首

談太學過六榕寺寓舍三首

寄題家明經澄湖秀坡

朱九江先生集

目錄

六 卷首

八月來風雨總至隄圍西漲向覺可憂感書一絕句

和錢給事春思曲

寓齋詠物三首

竹

鳳仙花

瓜

憶弟

夢讀佩韋近稟卽寄懷落第南還二首

寄衣

六月十七日談太學招同陳秀才文瑞家明經澄湖北

郭郊游晚集明經秀坡山館四首

奉陪山長陳蓮史師登粵秀山至山亭胡太守方朔設

樂置酒

西園郊居

廷蔭到得舍弟宗琦消息作長歌寄之

雜題絕句

喜宗琦至二首

俳體戲答友人問

晨起海棠見一花矣詩索舍弟和

過粵秀書院是杭大宗編修舊講地即呈區仁甫先生

李孟夔鳴韶明次卿倫馮愛之汝棠南歸同枉城西寓

舍有作兼簡徐佩章台英李愷儔彪元

朱九江先生集

目錄

十七 卷首

過瀾石追悼劉崧孝廉六首

贈馮六愛之明二次卿時二君相約假館城西僧舍

六桂山樓望春之作

峽山寺四首

寄宗琦弟正覺寺山居

韶州曹溪口有制府盧都堂遺碣慨然賦詩

有憶

古勸酒

寄劉九潭州

卷五

詩

贈馮四 炳新 復試京闈

感事與馮六 汝棠 孝廉陳九 信民 大令夜話大令抵足

同寢卽追懷尊甫心農先生二首

山閣夜

丁酉九月十八日廣州歸村泊甘竹西岸

北邙山行

送屠使君還楚中

陳九明府走書借讀二樵山人集卻題

南漢宮詞倣李義山隋宮

閩潦詩呈愛之次卿兩孝廉四首

象山社緣麓行至鬱水上沙溪乃反夜已嚮殘

朱九江先生集

目錄

八

卷首

門人老上舍 鶴年 送酒二首

諸子同遊海目山還舟沙口關四兄弟留讌作詩

宿鄭中書 景祚 西郭書莊

何兵部丈枉過寓齋言懷有述

借居正覺寺蘭若雜詠十四首

松逕

榕社

月臺

山塘

藏碑亭

南國祇園

佛堂

讀書齋

西閣

南窗

藕花池

香積廚

霏毳室

山靜堂閒處

與廷光小飲懷馮四北行未還卽事四首

晚出歸山館有作

小除夜書懷四首

朱九江先生集

目錄

九

卷首

張太學饋歲有水仙花普洱茶二種詩屬諸子和

水仙花用黃山谷詩韻

普洱茶用水仙花詩韻

塵沙行

良鄉題壁

卷六

文

代兆撫軍請襄陵臨汾水田毋照東南升科摺

擬請復漢儒盧植從祀摺

論馬加利事

論派員往英事

格物說跋

澹泊齋記

卷七

文

寄馮孝廉爲陳九籌卹書

北行抵清遠縣寄季弟宜誠書

癸卯在南沙陳氏賓館有勸以遷教都會者因布家人

書

抵山西寄兄弟書

寄伯兄書

答康述之書

朱九江先生集

目錄

答明同年書

赴襄陵寄兄弟書

答王篆友書

又答王篆友書

去襄陵後答王篆友書

答徐次功書

復郭中丞書

又復郭中丞書

與老爲謙書

答吳澄溥同年書

答求書者書

答李鞠圃太守書

卷八

文

南海九江朱氏家譜序

南海九江朱氏家譜序例

朱氏傳芳集凡例

朱氏捐產贍族斟酌范氏義莊章程損益變通規條

卷九

文

明贈嘉議大夫兵部左侍郎原任四川夔州府知府朱

公神道碑

朱九江先生集

目錄

十二

卷首

皇朝 賜諡烈愍明贈嘉議大夫兵部左侍郎原任戶

部郎中奉敕團練水陸義師朱公神道碑

贈奉政大夫府同知銜朱君墓誌銘

清故朱少府墓誌銘

廖南邨墓誌銘

賜進士出身分發湖南知縣梅坪陳君行狀代曾勉士

劉作

重修四世祖墓祭文

公祭陳梅坪大令文

祭陳大令文

北上會試祖道文

南海縣黃鼎司南沙三十鄉鼎建石隄祭河神文

之官山西祖道文

祭臧旗岡后土文

祭房祖白岳先生文

卷十

附錄

平河均修水利之碑銘

雅圭先生畫像記

愛棠錄

祭朱子襄先生文

禮山紀聞

朱九江先生集

目錄

藏	4
价	1000

